

Agenda – Y Cyfarfod Llawn

Lleoliad y cyfarfod:

Y Siambr – Y Senedd

Dyddiad y cyfarfod:

Dydd Mercher, 22 Mawrth 2017

Amser y cyfarfod: 13.30

60(v4)

1 Cwestiynau i Ysgrifennydd y Cabinet dros Addysg

(45 munud)

Yn unol â Rheol Sefydlog 12.58, bydd Gweinidog y Gymraeg a Dysgu Gydol Oes yn ateb cwestiynau ar ran Ysgrifennydd y Cabinet dros Addysg.

Bydd y Llywydd yn galw ar Lefarwyr y Pleidiau i ofyn cwestiynau heb rybudd i Weinidog y Gymraeg a Dysgu Gydol Oes ar ôl cwestiwn 2.

[Gweld y Cwestiynau](#)

2 Cwestiynau i'r Cwnsler Cyffredinol

(30 munud)

[Gweld y Cwestiynau](#)

Cwestiwn Brys

I'r Ysgrifennydd y Cabinet dros Gymunedau a Phlant:

David Rees (Aberafan): Pa drafodaethau y mae Ysgrifennydd y Cabinet wedi'u cynnal â Llywodraeth y DU ynghylch y penderfyniad i adeiladu carchar ym Mhort Talbot? EAQ(5)0124(CC)



3 Datganiadau 90 Eiliad

(5 munud)

4 Dadl gan Aelodau Unigol o dan Reol Sefydlog 11.21(iv)

(60 munud)

NDM6259

[Jeremy Miles \(Castell-nedd\)](#)

[Lee Waters \(Llanelli\)](#)

[Simon Thomas \(Canolbarth a Gorllewin Cymru\)](#)

[Jayne Bryant \(Gorllewin Casnewydd\)](#)

[Rhun ap Iorwerth \(Ynys Môn\)](#)

[Angela Burns \(Gorllewin Caerfyrddin a De Sir Benfro\)](#)

Cynnig bod Cynulliad Cenedlaethol Cymru:

1. Yn nodi bod Cymru yn elwa ar arfordir hir a'r ail gyrhaeddiad llanw uchaf yn y byd.
2. Yn nodi ymhellach fod gweithgarwch economaidd yn gysylltiedig â'r môr eisoes yn werth tua £2.1 biliwn yng Nghymru, ac yn cynnal degau o filoedd o swyddi.
3. Yn credu y bydd ymrwymiad strategol i'r economi las yn galluogi Cymru i droi ein moroedd yn un o'n hasedion economaidd mwyaf.
4. Yn credu ymhellach y gall Cymru fod yn arweinydd ym maes ynni adnewyddadwy morol, twristiaeth a chwaraeon, pysgota, bwyd a dyframaethu, a gweithgynhyrchu a pheirianneg morol.
5. Yn galw ar Lywodraeth Cymru i gyflwyno Cynllun Morol uchelgeisiol i gefnogi datblygiad cynaliadwy yr economi las, a'i gwneud yn elfen ganolog o'i strategaeth economaidd newydd.

5 Dadl ar adroddiad y Pwyllgor Materion Allanol a Deddfwriaeth Ychwanegol ar y goblygiadau i Gymru wrth i Brydain adael yr Undeb Ewropeaidd

(60 munud)

NDM6267 [David Rees \(Aberafan\)](#)

Cynnig bod Cynulliad Cenedlaethol Cymru:

Yn nodi adroddiad y Pwyllgor Materion Allanol a Deddfwriaeth Ychwanegol ar ei Ymchwiliad i'r goblygiadau i Gymru yn sgil gadael yr Undeb Ewropeaidd, a [osodwyd](#) yn y Swyddfa Gyflwyno ar 27 Ionawr 2017.

Nodyn: [Gosodwyd](#) yr ymateb gan Lywodraeth Cymru ar 15 Mawrth 2017.

Yn unol â Rheol Sefydlog 12.23 (iii), ni ddewiswyd y gwelliant a gyflwynwyd i'r cynnig hwn.

6 Dadl Plaid Cymru

(60 munud)

NDM6268 [Rhun ap Iorwerth \(Ynys Môn\)](#)

Cynnig bod Cynulliad Cenedlaethol Cymru:

1. Yn nodi pa mor bwysig yw cynllunio sgiliau ymlaen llaw er mwyn diwallu anghenion y diwydiant adeiladu yn y dyfodol i ddarparu prosiectau seilwaith yng Nghymru a thu hwnt.

2. Yn credu bod angen diwygio proses gaffael y sector cyhoeddus yng Nghymru er mwyn elwa'n llawn ar botensial cymdeithasol, economaidd ac amgylcheddol pŵer prynu sector cyhoeddus Cymru.

3. Yn galw ar Lywodraeth Cymru i:

a) gyflwyno Bil Caffael i'w gwneud yn ofynnol i gyrrff y sector cyhoeddus ddilyn polisi Llywodraeth Cymru ar gaffael, er mwyn sicrhau bod adeiladu yn cael yr effaith gymdeithasol ac economaidd fwyaf bosibl;

b) sefydlu fframwaith cenedlaethol ar gyfer proses gaffael y sector cyhoeddus yng Nghymru er mwyn sicrhau y caiff y dyheadau yn Natganiad Polisi Caffael Cymru eu gwireddu;

c) codi lefelau gwariant seilwaith cyfalaf er mwyn hybu'r economi yng Nghymru, gan roi hwb angenrheidiol i'r sector adeiladu;

d) ystyried yr achos dros sefydlu Coleg Adeiladu Cenedlaethol i Gymru er mwyn meithrin sgiliau o ansawdd uchel yn y diwydiant adeiladu.

'Datganiad Polisi Caffael Cymru'

Cyflwynwyd y gwelliannau a ganlyn:

Gwelliant 1. Jane Hutt (Bro Morgannwg):

Dileu'r cyfan ar ôl pwynt 1 a rhoi yn ei le:

2. Yn nodi gwaith Llywodraeth Cymru yn datblygu Datganiad Polisi Caffael Cymru sydd wedi lleihau rhwystrau rhag caffael ar gyfer busnesau bach a chanolig ar hyd a lled Cymru.

3. Yn cydnabod yr angen i gynyddu gallu o fewn sector cyhoeddus Cymru i fanteisio i'r eithaf ar effaith gwariant caffael o fewn economi Cymru.

4. Yn nodi bwriad Llywodraeth Cymru i ddatblygu rhaglen newydd ar gyfer caffael er mwyn helpu i alluogi sector cyhoeddus Cymru i wneud defnydd deallus o bolisi a deddfwriaeth ar draws Cymru.

5. Yn cydnabod cynlluniau buddsoddi cyfalaf Llywodraeth Cymru a'r cyfleoedd caffael sylweddol sy'n cael eu cyflwyno gan gynlluniau Metro De Cymru a Metro Gogledd-ddwyrain Cymru; rhaglen Ysgolion yr 21ain Ganrif; ffordd liniaru'r M4; adeiladu 20,000 o dai fforddiadwy; gwelliannau i rwydwaith trafniadaeth Cymru a phrosiectau seilwaith sylweddol eraill.

Gwelliant 2. Paul Davies (Preseli Sir Benfro)

Ychwanegu pwynt newydd ar ddiwedd y cynnig:

Yn galw ar Lywodraeth Cymru i weithredu mesurau a fydd yn rhoi contractau'r sector cyhoeddus o fewn cyrraedd cwmnïau Cymru, yn arbennig busnesau bach a chanolig.

7 Cyfnod pleidleisio

8 Dadl Fer

(30 munud)

NDM6266 [Dawn Bowden \(Merthyr Tydfil a Rhymni\)](#)

Undebau Credyd: Cyfraniad allweddol i fynd i'r afael ag allgáu ariannol

Cynhelir Cyfarfod Llawn nesaf y Cynulliad am 13.30, Dydd Mawrth, 28 Mawrth 2017

Cwestiynau Llafar y Cynulliad a gyflwynwyd ar 15 Mawrth 2017 i'w hateb ar 22 Mawrth 2017

R - Yn dynodi bod yr Aelod wedi datgan buddiant.

W - Yn dynodi bod y cwestiwn wedi'i gyflwyno yn Gymraeg.

(Dangosir rhif gwreiddiol y Cwestiwn mewn cromfachau)

Bydd y Llywydd yn galw ar Lefarwyr y Pleidiau i ofyn cwestiynau heb rybudd i'r Gweinidog ar ôl cwestiwn 2.

Gofyn i [Ysgrifennydd y Cabinet dros Addysg](#)

1. [Simon Thomas \(Canolbarth a Gorllewin Cymru\)](#): Pa asesiad y mae Ysgrifennydd y Cabinet wedi'i wneud o golli diwrnodau ysgol gan ferched na fedrant fforddio costau deunydd hylendid benywaidd? OAQ(5)0111(EDU)W
2. [Julie Morgan \(Gogledd Caerdydd\)](#): Pa asesiad y mae Ysgrifennydd y Cabinet wedi'i wneud o rôl goruchwylwyr llanw mewn ysgolion uwchradd? OAQ(5)0105(EDU)
3. [Eluned Morgan \(Canolbarth a Gorllewin Cymru\)](#): A wnaiff Ysgrifennydd y Cabinet gadarnhau na fydd y bwriad i gau Coleg Harlech yn arwain at golli argaeledd unrhyw gyrsiau ar gyfer dysgwyr sy'n oedolion? OAQ(5)0098(EDU)
4. [Lee Waters \(Llanelli\)](#): Pa drafodaethau y mae Ysgrifennydd y Cabinet wedi'u cael ag Estyn ynghylch y cylch nesaf o arolygiadau? OAQ(5)0093(EDU)
5. [David Rees \(Aberafan\)](#): A wnaiff Ysgrifennydd y Cabinet roi manylion cyfnod nesaf rhaglen Ysgolion yr 21ain Ganrif? OAQ(5)0110(EDU)
6. [Mike Hedges \(Dwyrain Abertawe\)](#): A wnaiff Ysgrifennydd y Cabinet ddatganiad am gynllun Cylch Ti a Fi y Mudiad Meithrin? OAQ(5)0097(EDU)
7. [Mark Reckless \(Dwyrain De Cymru\)](#): A wnaiff Ysgrifennydd y Cabinet ddatganiad am y £21.1 miliwn a drosglwyddwyd o Gyngor Cyllido Addysg Uwch Cymru i Lywodraeth Cymru? OAQ(5)0109(EDU)
8. [Russell George \(Sir Drefaldwyn\)](#): A wnaiff Ysgrifennydd y Cabinet ddatganiad am ddarparu'r fframwaith cymhwysedd digidol gan ysgolion cynradd yn y canolbarth? OAQ(5)0103(EDU)

9. [Steffan Lewis \(Dwyrain De Cymru\)](#): Sut y mae Llywodraeth Cymru yn codi ymwybyddiaeth o faterion iechyd meddwl mewn ysgolion a cholegau? OAQ(5)0100(EDU) **TYNNWYD YN ÔL**

10. [Paul Davies \(Preseli Sir Benfro\)](#): A wnaiff Ysgrifennydd y Cabinet ddatganiad am yr hyn y mae Llywodraeth Cymru yn ei wneud i wella addysg yn Sir Benfro? OAQ(5)0099(EDU)

11. [Dawn Bowden \(Merthyr Tudful a Rhymni\)](#): A wnaiff Ysgrifennydd y Cabinet ddatganiad am ddarpariaeth cymorth dysgu arbenigol mewn ysgolion yng Nghymru? OAQ(5)0101(EDU)

12. [Rhianon Passmore \(Islwyn\)](#): A wnaiff Ysgrifennydd y Cabinet amlinellu pa gamau y mae Llywodraeth Cymru yn eu cymryd i wella addysg gychwynnol i athrawon? OAQ(5)0108(EDU)

13. [Hefin David \(Caerffili\)](#): A wnaiff Ysgrifennydd y Cabinet ddatganiad am rannu addysgu rhwng ysgolion arloesi ac ysgolion nad ydynt yn ysgolion arloesi o ran cyflwyno'r cwricwlwm newydd? OAQ(5)0112(EDU)

14. [Julie Morgan \(Gogledd Caerdydd\)](#): A wnaiff Ysgrifennydd y Cabinet ddatganiad am gymorth i blant byddar mewn ysgolion? OAQ(5)0106(EDU)

15. [Mark Isherwood \(Gogledd Cymru\)](#): Sut y mae Llywodraeth Cymru yn cefnogi dysgwyr byddar yng Nghymru? OAQ(5)0094(EDU)

Gofyn i'r [Cwnsler Cyffredinol](#)

1. [Julie Morgan \(Gogledd Caerdydd\)](#): Pa asesiad y mae'r Cwnsler Cyffredinol wedi'i wneud o bwerau deddfwriaethol Llywodraeth Cymru o ran hela â chŵn? OAQ(5)0031(CG)

2. [Vikki Howells \(Cwm Cyron\)](#): Pa drafodaethau y mae'r Cwnsler Cyffredinol wedi'u cael â swyddogion eraill y gyfraith ynghylch cosbau troseddol am droseddau'n ymwneud ag ymddygiad gwrth-gymdeithasol? OAQ(5)0029(CG)

3. [Simon Thomas \(Canolbarth a Gorllewin Cymru\)](#): Pa drafodaethau y mae'r Cwnsler Cyffredinol wedi'u cynnal gyda swyddogion y gyfraith ynghylch dyfarniad gan Lys Cyfiawnder Ewrop ynglŷn â gorsaf bŵer Aberddawan? OAQ(5)0032(CG)W

4. [Simon Thomas \(Canolbarth a Gorllewin Cymru\)](#): Pa drafodaethau y mae'r Cwnsler Cyffredinol wedi'u cynnal gyda swyddogion eraill y gyfraith parthed hawliau dinasyddion Ewrop yng Nghymru? OAQ(5)0033(CG)W

5. [Mike Hedges \(Dwyrain Abertawe\)](#): Pa drafodaethau y mae'r Cwnsler Cyffredinol wedi'u cynnal ynghylch annibyniaeth y system farnwrol yng Nghymru? OAQ(5)0030(CG)